



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37-30208-1 /19
Sarajevo, 03.09.2019.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko pitanje - dostavlja se,

Zastupnica Vildana Bešlija na Jedanaestoj radnoj sjednici Skupštine Kantona Sarajevo, održanoj dana 15.07.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavila je zastupničko pitanje vezano za dostavu podataka o lijekovima (Berlithion kapsule, Glukagon amp.) i medicinskim sredstvima koje koriste pacijenti oboljeli od dijabetesa, a koji se ne nalaze na listama lijekova, koje Vam dostavljamo u prilogu ovog akta.

U vezi sa postavljenim zastupničkim pitanjem, Ministarstvo zdravstva Kantona Sarajevo dostavlja

ODGOVOR

Po dostavljenom pitanju zastupnice Vildane Bešlije, aktom broj 10-37-30208/19 traženo je izjašnjenje i stručni stav ZZO Kantona Sarajevo vezano za dostavu podataka o lijekovima i medicinskim sredstvima koje koriste pacijenti oboljeli od dijabetesa, a koje Vam dostavljamo u prilogu, akt broj 05-04-I-AE-31577-I-1/19 od 23.08.2019.godine.

S poštovanjem,

Pripremila: Prim.mr. ph. Enisa Salihefendić,
Pomoćnica Ministrice
Kontrolisala: Amra Isić, dipl.iure, Sekretar
Ministarstva

Enisa Salihefendić
Amra Isić

MINISTRICA
Prof. dr. sci. med. Amela Sofić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Broj: 05-04-I-AE-31577-I-1/19
Sarajevo, 23.08.2019. godine

MINISTARSTVO ZDRAVSTVA KANTONA SARAJEVO
REISA DŽEMALUDINA ČAUŠEVIĆA 1
71000 SARAJEVO
N/R MINISTRICE PROF. DR SCI. MED. AMELA SOFIĆ

Predmet: *Odgovor na zastupničko pitanje*

Poštovani,

Vašim aktom 10-37-30208/19 od 08.08.2019. godine dana 15.08.2019. godine dostavljeno nam je zastupničko pitanje zastupnice Vildane Bešlije u vezi dostave podataka o lijekovima (Berlithion kapsule, Glukoagon ampule), te procedure nabavke tzv. flastera za mjerenje šećera, odnosno korekcije odredbi kojom je određena količina trakica za mjerenje šećera.

Obzirom da su Berlithion kapsule (alfaliponska kiselina) sastavni dio Liste B Federalne liste lijekova (radi se o lijekovima sa učešćem zavoda u procentualnom iznosu saglasno finansijskim mogućnostima kantona tj. Zavoda) uvrštavanje ovog lijeka nije obavezujuće prilikom sačinjavanja kantonalne liste lijekova obzirom na ograničena sredstva kojima kanton tj. Zavod raspolaže za finansiranje lijekova sa listi lijekova. Također, podsjećamo da, prema važećim zakonskim propisima, Ministarstvo zdravstva Kantona Sarajevo imenuje stručnu nezavisnu Komisiju za lijekove koja inovira i sačinjava prijedlog listi lijekova (uključujući i lijekove sa federalne liste B ukoliko za to postoje finansijske mogućnosti), a koja se onda putem Ministarstva zdravstva dostavlja Vladi Kantona Sarajevo na usvajanje, dok je uloga Zavoda da istu primjenjuje i implementira u praksi putem integralnog informacionog sistema, tako da odluku o eventualnom ponovnom uvrštavanju ovog lijeka na listu lijekova donosi Komisija za lijekove, odnosno Ministarstvo i Vlada KS.

Kada je u pitanju Glucagen Pen (glukagon), isti je već godinama obezbijeđen pacijentima putem tzv. ampularne liste lijekova putem koje ugovorne zdravstvene ustanove primarnog nivoa na teret sredstava Zavoda, nabavljaju i primjenjuju ampulirane lijekove za potrebe pacijenata. Svaki osiguranik Zavoda ima mogućnost da terapiju glukagonom (pogotovo obzirom na način njene primjene) dobije u odgovarajućoj zdravstvenoj ustanovi primarnog nivoa i to u potpunosti besplatno za pacijenta, obzirom da se ista finansira u cjelosti na teret sredstava obaveznog zdravstvenog osiguranja.

U vezi dijela pitanja koje se odnosi ubrzavanje procedure nabavke tzv. flastera za mjerenje šećera, Zavod zdravstvenog osiguranja Kantona Sarajevo nije nadležan za nabavku istih, niti je nadležan za upis istih u Registar medicinskih sredstava BiH.

Količina odobrenih medicinskih sredstava (uključujući i trakice za mjerenje šećera), način njihovog propisivanja, odobravanja, preuzimanja i korištenja na teret sredstava obaveznog zdravstvenog osiguranja je utvrđena podzakonskim aktima iz te oblasti koju donosi Vlada Kantona Sarajevo.

Cijenimo važnim istaći da je osiguranicima u Kantonu Sarajevo, a posebno onim koji boluju od dijabetesa, na raspolaganju izrazito širok asortiman lijekova, čak i onih izrazito skupih lijekova zadnje generacije (i to bez ikakvih dodatnih troškova/učešća za osiguranike) koji na takav način nisu dostupni osiguranicima u drugim dijelovima BiH, ali ni pacijentima iz okruženja, pa čak ni onim iz zemalja u okruženju koja imaju mnogo veća izdvajanja za zdravstvo i mnogo veće budžete, te samim tim i veće mogućnosti prilikom sačinjavanja listi lijekova. Rezultat toga je i da se jedna četvrtina ukupnih troškova za lijekove sa liste u Kantonu Sarajevo izdvaja upravo za antihiperglimike, te da izdvajanja iz godine u godinu značajno rastu iako povećanje broja pacijenata ne prati takvo povećanje potrošnje. Kao ilustraciju navodimo primjer povećanja potrošnje grupe antihiperglikemika bez inzulina (ATC - A10B), gdje su troškovi u periodu 2012. - 2018. godina porasli sa 2 miliona KM godišnje na 8,2 miliona KM godišnje (406%), dok se istovremeno broj korisnika u istom periodu povećao za svega 24%.

Također, u poređenju sa ukupnom potrošnjom u BiH (prema podacima Agencije za lijekove i medicinska sredstva BiH za 2018. godinu), u Kantonu Sarajevo u kojem (prema podacima popisa iz 2013. godine) živi cca. 12% ukupnog stanovništva u BiH, na teret Zavoda generiše se ukupno 24% troška svih antihiperglimetika u BiH, tj. u prosjeku dvostruko više nego u bilo kojem drugom dijelu BiH.

U pojedinim grupama taj procenat je još izaženiji, pa tako od ukupne potrošnje u BiH na lijekove iz grupe sitagliptin (A10BH01) Zavod zdravstvenog osiguranja Kantona Sarajevo snosi 70% ukupnog državnog neto troška (2,1 miliona od ukupno 3,04 miliona KM) ili za lijekove iz vildagliptina (A10BH01) od ukupno 1,37 miliona KM neto prometa u BiH, na teret Zavoda je prometovano 1,04 miliona KM odnosno 76% ukupne državne potrošnje. Napominjemo da su oba lijeka sastavnio dio obavezujuće Federalne liste A već 5-6 godina, te kao takvi obavezni za primjenu u svim kantonima, koji ih evidentno gotovo uopšte i ne finansiraju, bez obzira na utvrđenu obavezu.

S poštovanjem,

V.D. DIREKTOR

Sakib Katana dipl.oec.